



BOSNA I HERCEGOVINA
FEDERACIJA BOSNE I HERCEGOVINE
Kanton Sarajevo
Grad Sarajevo
OPĆINA CENTAR SARAJEVO
OPĆINSKI NAČELNIK

Broj: 02-11-1890/21
Datum: 31-05-2021 godine

Na osnovu člana 70. stav 1. Zakona o javnim nabavkama BiH ("Službeni glasnik BiH", br. 39/14) u daljem tekstu: Zakon, člana 69. Statuta Općine Centar Sarajevo – prečišćeni tekst ("Službene novine Kantona Sarajevo", br. 23/04), na prijedlog Ekspertne komisije za nabavku i praćenje postupaka javnih nabavki, imenovana rješenjem broj: 10-45-137/21 od 04.02.2021. godine, (u daljem tekstu: Komisija), Općinski načelnik d o n o s i:

ODLUKU O IZBORU NAJPOVOLJNIJEG PONUĐAČA

- I.** Ponuda ponuđača „DEMUS“ d.o.o. Sarajevo, ul. Hamdije Kreševljakovića br.18/II, 71 000 Sarajevo, broj ponude: 161-V/21/21 od 12.05.2021. godine, u ukupnom iznosu od 2.881.103,18 bez PDV-a odnosno 3.370.890,00 KM sa PDV-om, za javnu nabavku za izvođenje radova na investiciono-tehničkom održavanju stepeništa i ograda na području Općine Centar Sarajevo, putem otvorenog postupka, prihvata se za dodjelu ugovora.
- II.** Ponuđači će o prihvatanju ponude iz stava I. ove odluke, biti obaviješteni najkasnije u roku od sedam dana od dana donošenja Odluke.
- III.** Ova odluka će biti objavljena na internet stranici Općine Centar Sarajevo: www.centar.ba, istovremeno sa dostavljanjem svim ponuđačima.

O b r a z l o ž e n j e

Otvoreni postupak nabavke za izvođenje radova na investiciono-tehničkom održavanju stepeništa i ograda na području Općine Centar Sarajevo, pokrenut je Odlukom Općinskog načelnika broj: 02-11-1890/21 od 05.04.2021. godine.

Shodno Zakonu, objavljeno je obavještenje o nabavci putem otvorenog postupka, na internet portalu E-nabavke broj obavještenja: 848-1-3-56-3-35/21 od 14.04.2021. godine i ispravka obavještenja broj: 848-1-3-56-8-38/21 od 27.04.2021. godine.

U roku za dostavljanje ponuda određenom u tenderskoj dokumentaciji dana 17.05.2021. godine do 12,00 sati, na adresu ovog ugovornog organa pristigle su 3 (tri) ponude sljedećih ponuđača: „MIBRAL“ d.o.o. Sarajevo, „SELA“ d.o.o. Sarajevo i „DEMUS“ d.o.o. Sarajevo.

U skladu sa članom 63. Zakona o javnim nabavkama (u daljem tekstu: Zakon), Komisija je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitana je cijena ponuda i rok plaćanja kao potkriteriji „ekonomski najpovoljnije ponude“, kako slijedi:

Reg. broj	Ponuđač	Ukupna cijena ponude u KM bez PDV-a	Ukupna cijena ponude u KM sa PDV-om	Rok plaćanja
11	„MIBRAL“ d.o.o. Sarajevo	3.943.052,37	4.613.371,27	60 dana
12	„SELA“ d.o.o. Sarajevo	2.699.838,00	3.158.810,46	90 dana
13	„DEMUS“ d.o.o. Sarajevo	2.881.103,18	3.370.890,72	60 dana

Nakon izvršenog javnog otvaranja ponuda, na zatvorenom sastanku održanom dana 18.05.2021. godine, Komisija je izvršila pregled dokumentacije priložene uz ponude u smislu provjere njene potpunosti i ispravnosti u skladu sa zahtjevima iz tenderske dokumentacije. Izvršena je evaluacija ponuda u skladu sa pravilima propisanim Zakonom i podzakonskim aktima kao i procedurama utvrđenim u samoj tenderskoj dokumentaciji za ovaj predmet javne nabavke.

Tom prilikom je kontaktovano da su ponude „MIBRAL“ d.o.o. Sarajevo i „DEMUS“ d.o.o. Sarajevo, prihvatljive i sačinjene u skladu sa zahtjevima iz tenderske dokumentacije, Uputstvom za pripremu modela tenderske dokumentacije ponuda i Zakonom.

Ponuđač „SELA“ d.o.o. Sarajevo nije dostavio potpune dokaze o ispunjavanju uslova tehničke i profesionalne sposobnosti iz tačke 7.4.1. tenderske dokumentacije. Kao dokaz ponuđač je dostavio Potvrdu o izvršenim uslugama broj: 03-11-2466/21 od 23.04.2021. godine a za koju Komisija smatra da ne sadrži jasno definisane podatke shodno članu 48. Stav 3. Zakona o javnim nabavkama i tačke 7.4.2 alineja a) predmetne tenderske dokumentacije, na osnovu čega se ne može sa sigurnošću utvrditi da li su i kad realizovani pojedinačni ugovori iz Okvirnog sporazuma koji se navodi u potvrdi. Komisija se dopisom od 25.05.2021. godine obratila Službi za investicije, komunalni razvoj i planiranje sa zahtjevom za izjašnjenje da li su ugovori od broja I do IX koji se navode u potvrdi, u potpunosti realizovani, sa preciziranjem podataka koji se odnose na vrijednosti, broj ugovora i vrijeme realizacije. Dana 26.05.2021. godine pomenuta služba je dostavila Komisiji izjašnjenje broj: 03/19-SL/21 o traženom u kojem je, između ostalog, navedeno da ugovori broj: I, III, IV, V, VI, VIII i IX, nisu realizovani u toku izdavanja pomenute potvrde. U skladu sa navedenim, ponuda ponuđača „SELA“ d.o.o. Sarajevo se odbacuje kao neprihvatljiva.

Komisija je izvršila računsku kontrolu prihvatljivih ponuda i pri tome nije pronađena nijedna računska greška.

Komisija je izvršila bodovanje prihvatljivih ponuda po osnovu oba podkriterija „ekonomski najpovoljnije ponude“, primjenom odgovarajuće formule za izračun broja bodova sadržane u Pravilima o postupku, provjeri, proceduri i načinu vrednovanja – bodovanja kriterija za izbor najpovoljnijih ponuđača, kako slijedi:

Ponuđač	Podkriterij	
	Cijena 95%	Rok plaćanja 5%
„MIBRAL“ d.o.o. Sarajevo	4.613.371,27 KM sa PDV-om = 69,41 bodova	60 dana = 5 bodova
„DEMUS“ d.o.o. Sarajevo	3.370.890,72 KM sa PDV-om = 95 bodova	60 dana = 5 bodova

Nakon bodovanja po osnovu utvrđenih podkriterija ekonomski najpovoljnije ponude, izvršeno je rangiranje ponuda:

r/b	Ponuđač	Broj bodova	Rang
1	„DEMUS“ d.o.o. Sarajevo	100	1
2	„MIBRAL“ d.o.o. Sarajevo	74,41	2

Komisija je u daljem radu donijela jednoglasnu odluku da se Općinskom načelniku dostavi

PREPORUKA O PRIHVATANJU PONUDE

Ponuđača „**DEMUS**“ d.o.o. Sarajevo, ul. Hamdije Kreševljakovića br.18/II, 71000 **Sarajevo**, koja je najbolje bodovno rangirana, za javnu nabavku za izvođenje radova na investiciono-tehničkom održavanju stepeništa i ograda na području Općine Centar Sarajevo, sa ukupnom cijenom ponude koja iznosi sa uračunatim PDV-om 3.370.890,72 KM. Ponuđeni rok plaćanja iznosi 60 (šezdeset) dana.

Općinski načelnik je prihvatio Izvještaj i preporuku Komisije za nabavke, o čemu je donio ovu Odluku, shodno članu 70. stav (1) Zakona.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH, putem ugovornog organa (Općina Centar Sarajevo), najkasnije u roku od 10 (deset) dana od dana prijema iste, shodno članu 101. stav (5) Zakona.

Naknada za pokretanje žalbenog postupka iznosi 7.500,00 KM shodno članu 108. stav (1) tačka f) Zakona.

Žalba se podnosi u dovoljnom broju primjeraka, a koji ne može biti manji od tri, shodno članu 99. stav (2) Zakona.



Prilog: Zapisnik o pregledu i ocjeni ponuda
Broj: 02-11-1890/21 od 26.05.2021.godine

DOSTAVITI:

1. Ponuđačima:
 - „MIBRAL“ d.o.o. Sarajevo, Srebrenička 1, Sarajevo
 - „SELA“ d.o.o. Sarajevo, Rajlovačka cesta 31, Sarajevo
 - „DEMUS“ d.o.o. Sarajevo, Hamdije Kreševljakovića 18/II, Sarajevo
2. Službi za javne nabavke, zajedničke poslove i informatiku
3. Arhivi